

202/1989 DEKRETUA, irailaren 19koa, Euskal Autonomi Elkarteko «Ingurugiroarekiko Irakasbideen Hezkuntza eta Ikerketarako Ikastegi»-en sortze eta ihardutze-modua arautzen dituena.

Ingurugiroarekiko hezkuntzaren aldeko politika gauzatu eta suztatzea da Hirigintza, Etxebizitza eta Ingurugiro-Sailak duen helburuetariko bat, horren bidez, herritarrengan ingurugiroarekiko kontzientziazioa eta sentsibilizazioa lortzeko. Hezkuntza, Unibertsitate eta Ikerketa Sailak, halaber, bidezko eritzi dio ingurugiroarekin zerikusia duten ekintzak eskola-esparruan sartzeari, eskolako hezkuntza alor horretan sendotzeko. Izan ere, Sail horien elkar lanaz, ingurugiro-heziketaren alorrean Euskal Autonomi Elkarteko hezkuntza-sistemarentzat zenbait laguntza-ikastegiren sortu beharra ageri da, ikasletoa ingurugiro alorrean sentsibilizatu eta prestatzeko bide eman dezaten ikastegiak hain zuzen. Horiek horrela, Hezkuntza, Unibertsitate eta Ikerketa-Sailburuaren eta Hirigintza, Etxebizitza eta Ingurugiro-Sailburuaren saloz, eta Jaurtze-Batzordeak 1989.eko irailaren 19an egindako bilkuran aztertu ondoren, honako hau

XEDATU DUT:

Lehenengo atala.- Euskal Autonomi Elkarteko irakasletoa ingurugiroaren alorrean prestatzeko tresna eratzen dira Ingurugiroarekiko Irakasbideen Hezkuntza eta Ikerketarako Ikastegiak.

Bigarren atala.- Hirigintza, Etxebizitza eta Ingurugiro-Sailaren Aginduz sortaraziko dira Ingurugiroarekiko Irakasbideen Hezkuntza eta Ikerketarako Ikastegiak, eta bertan, izena, tokia, agiango berarizko eginkizunak eta dagokion plantila adierazi behar izango dira; hori, guzti hori, Hezkuntza Unibertsitate eta Ikerketarekin bat etorritz egin behar izango da.

Hirugarren atala.-

1.- Ingurugiroarekiko Irakasbideen Hezkuntza eta Ikerketarako Ikastegiak, ihardutze-egituraz, Hirigintza, Etxebizitza eta Ingurugiro Sailaren menpe egongo da; hala ere, bere egituraketa eta ekinbideak aztertu eta zehazte-lana Hezkuntza, Unibertsitate eta Ikerketa-Sailak eta Hirigintza, Etxebizitza eta Ingurugiro Sailak egingo dute, elkar lanean.

2.- Hirigintza, Etxebizitza eta Ingurugiro Sailari dagokio Ingurugiroarekiko Irakasbideen Hezkuntza eta Ikerketarako Ikastegien ekintzak zuzendu, ikuskatu eta elkarkidetzea, eta horretarako langileak eta gauzazko baliabideak Sailak berak jarriko ditu.

Laugarren atala.- Ingurugiroarekiko Irakasbideen Hezkuntza eta Ikerketarako Ikastegiek honako hauek hartuko dituzte beren gain:

a) Eskola-egitarauketa osatzeko ekintzapideak suztatu eta bultzatzea, ikasleak ingurugiroaren benetako egoerara hurbiltzeko xedez.

b) Ingurugiroarekiko Hezkuntzaz bere osotasunean aritzeko bide ematea eskolako irakaskuntza-egitarauetako alor ezberdinetan.

c) Irakasleei zuzenduta eta Eskolaren iharduna gauzatzekoan ingurugiroarekiko hezkuntza sartzeko bide eman dezaten hobekuntza-egitarauak prestatu eta ihardunean jartzeko elkar lana egitea Hezkuntza, Unibertsitate eta Ikerketa Sailarekin.

d) Ikastegien ekinbide eta baliabideen antolakideketa bultzatzea, ingurugiro alorrean antolakidetutako eta barne-egokitasunezko eskaintza bat egiteko xedez.

e) Hezkuntza-elkartearen saila guztiak ingurugiroarekiko hezkuntzaren helburuak lortzeko eskuhartu beharraz sensibilizatzea.

f) Ikastegien esparruan ingurugiroarekiko gaiez ari tzeke materiale egokia taiutu eta gauzatzeta.

Bosgarren atala.- Hezkuntza, Unibertsitate eta Ikerketa Sailak jarriko ditu Ingurugiroarekiko Irakasbideen Hezkuntza eta Ikerketarako Ikastegietarako langileak eta irakasleen arteko nornahirentzako lehiaketa izango da horretarako bidea. Aukeratutako irakasleak zerbitzu manualdian egongo dira.

Seigarren atala.- Ingurugiroarekiko Irakasbideen Hezkuntza eta Ikerketarako Ikastegi bakoitzak bi irakasle izango ditu gutxienez, eta horietariko batek beteko du Ikastegiko zuzentza-eginkizuna.

Zazpigarren atala.- Eskolaurreko irakaskuntzako, oinarrizko hezkuntza orokorreko, irakaskuntza ertainetako eta helduen etengabeko hezkuntzako mailez arituko dira lehenatasunez Ingurugiroarekiko Irakasbideen Hezkuntza eta Ikerketarako Ikastegiak.

AZKEN XEDAPENAK

Lehenengoa.- Baimena ematen zaie Hezkuntza, Unibertsitate eta Ikerketa Sailari eta Hirigintza, Etxebizitza eta Ingurugiro Sailari, dagozkien agintepideez baliatzerakoan, Dekretu hau erabiltzeko eta garatzeko beharrezko izan daitezten xedapenak emateko.

Bigarrena.- Euskal Herriko Agintaritzaren Aldizkarian argitara dadin egunean bertan hartuko du indarra Dekretu honek.

Gasteiz, 1989.eko irailak 19

Lehendakaria
JOSE ANTONIO ARDANZA GARRO

Hezkuntza, Unibertsitate eta Ikerketa Sailburua
JOSE RAMON RECALDE DIEZ

Hirigintza, Etxebizitza eta Ingurugiro Sailburua
JOSE MIGUEL MARTIN HERRERA.

Hutsen zuzenketa: 1989/10/19an argitaratutako 1989/10/19ko DEKRETUAK zuzendutakoa

202/1989 DEKRETUA, irailaren 19koa, Euskal Autonomi Elkarteko «Ingurugiroarekiko Irakasbideen Hezkuntz eta Ikerketarako Ikastegi»-en sortze eta ihardutze-modua araupetzen dituen.

Zera esan behar du: 207/1989 DEKRETUA, irailaren 19koa, Euskal Autonomi Elkarteko «Ingurugiroarekiko Irakasbideen Hezkuntz eta Ikerketarako Ikastegi»-en sortze eta ihardutze-modua araupetzen dituen.